

千金

目錄

- | | |
|------|----|
| 第一齣 | 開宗 |
| 第二齣 | 遇仙 |
| 第三齣 | 省女 |
| 第四齣 | 勵兵 |
| 第五齣 | 抱怨 |
| 第六齣 | 推食 |
| 第七齣 | 招集 |
| 第八齣 | 受辱 |
| 第九齣 | 宵征 |
| 第十齣 | 投閨 |
| 第十一齣 | 受騙 |

第十二齣 入關

第十三齣 會宴

第十四齣 夜宴

第十五齣 代謝

第十六齣 思漢

第十七齣 謁相

第十八齣 延燒

第十九齣 坐倉

第二十齣 懷刑

第二十一齣 免死

第二十二齣 北追

第二十三齣 起盜

第二十四齣

漏賊

第二十五齣

保奏

第二十六齣

登拜

第二十七齣

預防

第二十八齣

定謀

第二十九齣

破趙

第三十齣

延訪

第三十一齣

救齊

第三十二齣

囊沙

第三十三齣

訛傳

第三十四齣

游說

第三十五齣

楚歌

第三十六齣 解散

第三十七齣 別姬

第三十八齣 設伏

第三十九齣 鏖戰

第四十齣 問津

第四十一齣 滅項

第四十二齣 佳音

第四十三齣 封王

第四十四齣 餞別

第四十五齣 通報

第四十六齣 遊仙

第四十七齣 仰役

第四十八齣

釋怨

第四十九齣

報德

第五十齣

榮歸

千金記

明沈采著

第一齣 開宗

〔滿庭芳〕〔末上〕

世態有常有變。英雄能弱能強。從來海水斗難量。運乖金失

色。時至鐵生光。

休論先期勝負。何須預扣興亡。高歌一曲解愁腸。柳遮庭院

綠。花覆酒樽香。〔問答照常〕

〔沁園春〕勇士年乖。佳人命薄。淮陰同受淒涼。強秦暴虐。六國併吞亡。四海干戈擾攘。英雄困何處。顯名揚。遭無賴低頭跨下。寄食好悽惶。使夫妻分別。拆散兩鸞凰。投奔西楚。官卑執戟。未露輝光。運至風雲際會。逢蕭相方得佐明皇。功成就。築壇拜將。衣錦耀鄉邦。

張子房鴻門謝宴。

蕭丞相舉薦賢良。

劉沛公築壇拜將。

楚霸王自刎烏江。

第二齣 遇仙

〔高陽臺〕〔生上〕七尺長軀。千軍猛烈。正羣雄角逐之日。拜將封侯。只恐勢孤時失。胸中謾有安邦策。萬種思量。曉夜頭白。倘一朝風雲際會。化家爲國。〔生〕

困守淮陰。日有餘。心存三略六韜書。方當炎漢興隆日。正是嬴秦失鹿時。小生姓韓名信。乃韓襄王之裔。孫淮陰世胄是也。自愧才兼文武。慚非伊呂之儔。胸有甲兵。頗讓孫吳之術。室如懸磬。難堪原憲之貧。地無立錫。敢懣史魚之苦。只今烽烟四起之時。虎鬪龍爭之日。使韓信乘時一出。料必能唾手封侯。只恐命蹇時乖。且自存心守己。正是未能鑿井難逢玉。畢竟淘沙始見金。邇日得暇。不免往淮陰城下閒步一迴。〔末外扮仙人執書劍上〕

〔沽美酒〕戀功名水上鷗。俏芒鞋塵內走。怎如明月清風隨地有。到頭來消受。又沒些兒女擔憂。爲名的名須成就。爲利的利須常受。我呵又何强求。苦求總不如俺不求。呀笑殺人間銅臭。傑士稽首。〔生〕二位道者拜揖。二位道者何來。〔外〕小道打從崑崙轉來。在此賣張寶劍。〔生〕此位道者。〔末〕小道從弱水而來。在此賣些古書。〔生〕劍是什麼

劍〔外〕這是藏心寶劍。〔生〕書是什麼書。〔末〕九丘八索。兩頭除卻。〔生〕書劍雄奇。俺這裏不用。〔外〕漢子。你說差矣。自古道。世治用文。世亂用武。爲人不識文武。正所謂馬牛而襟裾。豈不聞學成文武藝。貨與帝王家。〔生〕道者但知其一。不知其二。小生非不識文武。只是方今之世。學文而非用文之時。學武而無用武之地。小生衣食尙且不足。那有青蚨買你書劍。〔末〕師父。這漢子也是要用的。只爲缺少青蚨。〔外〕原來如此。傑士。你看青蚨乃是臭污之物。不必說起。你若果用此書劍。我便卽當相贈。〔生〕二位仙長。小生情非故舊。禮未先施。焉敢妄受其賜。吾聞惠非其義。如棄物於溝中。小生雖受清貧。不以溝壑自處。〔外〕豈不聞寶劍賣與烈士。若用此書劍去後。果有大進之時。我二人自來拜謁。何勞後報。你聽我道來。〔外〕

〔玉芙蓉〕英雄起霸圖。四海風塵阻。嘆當今人民遭荼苦。平時敷治先文佐。亂世功成須武屬。〔合〕秦失鹿。看天下共逐。選得高才。那時方表是捷足。

〔前腔〕〔末〕牙籤幾萬軸。空貯滿圖書府。聖賢言無非。是錦繡梁肉。先王道德非不可。功烈雖卑。取效速。〔合前〕

〔前腔〕〔生〕青鋒劍可磨。古史書堪讀。愧鯁生何能受君誠篤。我韓信呵。倘一朝際會身沾祿。萬感難忘當報復。〔合前〕

〔生〕三尺龍泉一卷書。

〔外〕贈君他日好施爲。

〔末〕英雄自古難遭遇。

〔合〕管取功成四海知。

第三齣 省女

〔滿庭芳〕〔旦上〕貧守蝸居。春光易去。小窗繚亂花飛。傷心觸目。冷地淚偷垂。

〔旦〕妾本高郵城北住。因地相傳姓高氏。嬌羞從不出閨門。及笄嫁作韓生婦。親操井臼貧自給。青苔四壁廚無烟。紅顏命薄古如此。不敢長吁怨上天。奴家嫁與韓生之後。日給家中用度。欲同丈夫回去探望母親。因乏盤費。以此延捱日久。正是胸中萬斛愁難遣。付與殘花逐水流。

〔黃鶯兒〕紅紫鬪芳菲。奈風塵六合迷。夫妻貧乏誰來濟。韶光迅。心情豈宜春。愁盡付東流水。〔合〕好孤懷。親操井臼。終日苦支持。

〔卜算子〕〔小生上〕風烟四起。虎鬪龍爭之日。野花不種年年有。煩惱無根日日生。自家韓

信小舅是也。我大哥高起被點從軍去了。我姐夫韓信。卻也要去投軍。母親放姐姐不下。特買小舟相訪。呀。這裏是姐夫門首了。不免逕入。姐姐拜揖。〔旦〕兄弟萬福。兄弟你那裏來。〔小生〕姐姐在家裏來。〔旦〕母親一向好麼。〔小生〕母親也在此。〔旦〕呀。母親在此。快去請上來。〔母〕骨肉難離。不免買舟訪取。〔旦〕母親請坐。待孩兒拜見。久別慈顏。懸懸旦夕。望母親恕孩兒不孝之罪。〔母〕孩兒。久不見你。爲何面帶憂容。眉端愁色。卻爲何因。〔旦〕母親。奈我丈夫每日只是攻文習武。衣食艱苦。頗覺失望。以此愁顏不展。〔母〕原來這個緣故。自古道。男無婦家無主。你卻要韓官人做些生理。〔旦〕母親說的是。〔母〕卻不道猛將軍無刀殺不得人。巧媳婦無米煮不得飯。這等年成。那得本錢學做生理。你如今只得勤工紡績。用些辛苦。若守得他時運到來。也是你夫婦受用。〔旦〕多謝母親好言。孩兒敢不從命。〔母〕孩兒聽我道來。

〔皂羅袍〕聽取一言規勸。論窮通貴賤。所事由天。雖然眼下受迍邐。男兒果遂平生願。〔合〕天須留意。人難久淹。劍須藏匣。珠沈在淵。時來一日花開遍。

〔前腔〕〔旦〕感得萱親言善。奈終身貧苦。衣食全慳。〔小舅〕姐姐怎生把姐夫這等埋

怨〔旦〕非將夫婿枉埋怨。貧居恐受人輕賤。〔合前生上〕

〔前腔〕聞岳母遠勞垂念。急趨回迎接。步履危顛。〔旦〕官人。你回來了。〔生〕娘子。聞岳

母在此。〔旦〕母親在此。〔生〕岳母拜揖。〔岳母〕賢婿。你回來了。〔生〕是。二舅也在此。二舅拜揖。失迎

了。〔小生〕姐夫拜揖。〔生〕尊舅免禮。冗貧故失覲尊顏。今朝喜得重相見。〔生旦合〕憐

枝惜樹。寒舍半間。可容留戀。草蔬共餐。親情肯厭家貧賤。〔生〕大舅在家裏麼。〔舅〕

〔前腔〕我家兄。只爲干戈撩亂。奈家兄被點。遠戍去征邊。至親不會動經年。懸

懸母子心相戀。〔合前生〕岳母。我韓信只爲家貧。久失侍奉。今幸得降臨。乞留幾日。扶持家事。倘

有寸進。得沾厚祿。敢忘大恩。〔占〕賢婿。奈我家事所迫。難以久住在此。〔旦〕母親有意來看我。請母

親且住幾日。〔生〕岳母。小婿曉得二舅乃才幹之士。不須慮此。〔占〕既如此。孩兒你先回去。我在此

過了夏。你到秋間來接我。〔小生〕如此謝了姐夫姐姐回去。〔生旦〕呀。二舅。你既有心來看我。怎麼

不住一宿。且待明日回去。〔占〕孩兒。既是你姐姐與姐夫留你。今晚回去不及了。你可明日回去罷。

〔小生應介〕

〔生〕子母相逢慰別情。

〔小生〕一團和氣笑欣欣。

〔旦〕貧居鬧市無人問。

〔合〕富在深山有遠親。

第四齣 勸兵

〔鳳凰閣〕〔外扮項梁上〕曾爲楚將。避仇來吳下隱藏。虎狼秦卒戰塵揚。四海戈干擾攘。俺不免成羣聚黨。〔淨扮羽上〕

〔前腔〕過人才量。拔山力兀誰比方。強兵百萬我能降。且把盔甲披妝。精神抖搜。佇看那烟塵掃蕩。〔見外介〕

〔淨〕王叔不敢。〔外〕兄弟請坐。〔淨〕王叔請坐。王叔劍甲在身。不能施禮。〔外〕兄弟。虎鬪龍爭正此時。〔淨〕亡秦失鹿我當追。〔外〕從今血染征袍污。

〔淨〕不斬秦關誓不歸。〔外〕好說得有理。〔外〕自家項梁是也。身爲楚將。今號武信君。少年無賴。奮勇殺人。避仇吳下。兄弟。誰想亡秦失鹿。天下興兵。我想智謀有必戰之時。英雄無用武之地。方今豪傑並起齊驅。未知鹿死誰手。俺今日統領八千子弟。遠渡江東。殺退秦邦。復立楚國。是吾之願也。兄弟意下如何。〔淨〕王叔所言有理。但恐立楚之後。人雖從楚。別有異心。不如精選利兵前去。疾戰長。

驅勢如破竹。數節之後。迎刃而解。然後功歸於楚。一統山河。豈不爲快。〔外〕兄子所言有理。衆將官過來。〔衆應介〕如今與我通行掛榜。招集義兵。統領八千子弟。遠渡江東。殺退秦邦。不留片甲。奏凱回來。論功陞賞。但有失機者。就在軍前處斬。〔淨〕軍中不遵令者。斬首示衆。〔衆應介〕得令得令。

〔駐馬聽〕〔外〕楚業中興。發號行師。衆可聽。兄子。你令八千子弟。遠渡江東。兵勢加增。非徒掠地與攻城。暴秦苛虐。吾當整。〔合〕下慰民情。那時管取功多得勝。
〔前腔〕〔淨〕智勇多能。學劍學書。俱未成。待學萬人之敵。耿耿長軀。重目瞳形。量過賁育。掌中擎。力如烏獲。能扛鼎。〔合前〕

〔前腔〕〔衆〕吶喊齊聲。擊破秦師。再舉兵。入境秋毫無犯。弔民伐罪。敵破縱橫。斯張弓矢。鼓笳鳴。威揚千羽。軍營整。〔合前〕

〔前腔〕砲發雷轟。唬得征人膽喪魂。且把堅兵列後。軍卒中停。馬隊前行。管教秦卒不留星。爭誇楚國將軍令。〔合前〕

〔外〕一戰功成再出師。

〔淨〕倒戈秦卒望雲霓。

〔末〕旌旗影亂飛雲黑。

〔合〕笳鼓聲喧落日遲。

第五齣 抱怨

〔瑞鶴仙〕〔生上看兵書〕貧守淮陰窟。嘆布衣襤褸。幾時清白。英雄遭困厄。問蒼天何事把人埋沒。荆璞未分傳世玉。蛟潭空沒夜光珠。歷觀古往今來事。多少英雄不遇時。小生昨日在淮陰城下。遇見兩個道者。贈我寶劍一口。古書一帙。他說道是藏心寶劍。我想起來。這劍乃是傷人之物。藏之於心。有甚好處。且住。我韓信差了他莫不是仙家。卻來藏謎試我。這劍乃是刃也。把刃字藏在心內。卻不是個忍耐的忍字。我曉得了。他明明說教我忍耐之意。他說道這書是九丘八索。乃是天經地緯之書。看他何用。他說九丘八索。兩頭除卻。我把這四個字除了兩頭。看來卻是個兵字。敢是兵書。待我展開一看。呀。我韓信幾乎差了。果然是一本孫武兵書。正常用武之際。〔作看介〕那孫武說道。兵者是凶具也。不得已而用之。戰者要事也。不得已而行之。其陣以正爲奇。以奇爲正。原來這兵法雖是詭道。造次不離乎正。又說道進不得前。退不得後。犄角之勢也。心若朝夕。然若說誘進退之機也。戰有必勝。攻有必取。料敵之智也。看起來這兵法不過是柔能制剛。弱能勝

強。以逸待勞。能勇能怯之意。我韓信雖不能文。頗知此理。只是惜平時不我用。〔生〕

〔畫眉序〕韜略蘊胸中。爭奈時乖運不通。守清貧飯甕屢至塵空。何日得赤手降龍。方表是驚人鳴鳳。〔合〕那時顯我男兒用。人生自有窮通。

〔女冠子〕〔旦上〕更深觀史成何益。終不如奴家勤紡績。陡然要望封侯職。全不想未生奇骨。〔生〕呀。是那個。原來是娘子。你更深夜靜。出來何幹。〔旦〕更深夜靜。燈火尙明。在此做甚麼。〔生〕我在此看書。〔旦〕看甚麼書。〔生〕兵書。〔旦〕看兵書可濟得饑麼。〔生〕這個娘子。看書怎麼濟得饑。〔旦〕可濟得寒麼。〔生〕那裏濟得寒。〔旦〕既濟不得饑。又濟不得寒。看他何用。〔生〕娘子。看他雖濟不得饑寒。我這功名富貴。都在這本書上。此乃目前發身要領。不久當有應驗。〔旦〕移燈介。你自去求取功名富貴。將燈與奴家。〔生〕你拿燈那裏去。〔旦〕續麻。〔生〕我要看書。〔旦〕我要續麻。〔旦〕奪書介。看甚麼書。〔生〕我這古書兵法。你奪去怎麼說。

〔八聲甘州〕婦人見淺。絮叨叨全沒遠大之言。〔旦〕奴家是個婦人家。那曉得遠大之言。〔生〕我學成文武。運至我才當顯。燈前暫將書劍展。他日須當將相權。〔旦〕